



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-347-3/21**

Datum: **07.09.2021. godine**

«Agencija za vodno područje rijeke Save» Sarajevo rješavajući po zahtjevu Investitora „C.I.A.K.” d.o.o. Grude, poslovna jedinica Jajce, za donošenje rješenja o vodnoj dozvoli za ispuštanje otpadnih voda sa lokacije objekta za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja a koja se nalazi u ulici III Gardijske brigade, općina Jajce, na osnovu člana 109. stav 1. točka 2. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola Investitoru „C.I.A.K.” d.o.o. Grude, poslovna jedinica Jajce, za ispuštanje otpadnih voda sa lokacije objekta za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja, a koja se nalazi u ulici III Gardijske brigade, općina Jajce, na zemljištu označenom kao k.č. broj: 22/83/6, 17/25/9 i 17/25/8, K.O. Divičani, općina Jajce.
2. Ova vodna dozvola se odnosi isključivo na aktivnosti i lokaciju definiranih tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da korisnik izgrađenih objekata i instalirane opreme koji se koriste za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2. Da korisnik navedenih objekata za vrijeme trajanja ove dozvole, osigura da se otpadne vode sa lokacije objekta za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja, nesmetano sakupljaju i odvođe do objekata predviđenih za tretman otpadnih voda - sustava taložnika i separatora ulja i masti s ispustom u rijeku Vrbas. Ispuštena voda iz separatora masti i ulja mora biti sukladna članu 14. Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.3. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.4. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).

- 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.7. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.8. Osigurati priručna sredstva za brzu intervenciju u slučaju nekontroliranog istjecanje i rasipanje štetnih materija i tečnosti, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10. Da je «C.I.A.K.» d.o.o. Grude – Podružnica Jajce u Jajcu obavezna da obavještava nadležnu federalnu okolinsku inspekciju o prijemu i otpremi otpada i da dostavlja potrebnu dokumentaciju iz koje će se moći sagledati da su sve prikupljene opasne i štetne materije i drugi otpad blagovremeno i konačno zbrinuti na odgovarajući način.
- 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode u procesu skladištenja, utovara, pretovara i transporta).
- 3.12. Da je, ukoliko dođe do prestanka rada iz okvira djelatnosti, «C.I.A.K.» d.o.o. Grude, Podružnica Jajce, obavezan izvijestiti nadležne institucije najkasnije u roku od šezdeset dana prije prestanka rada, kako bi se poduzele mjere zbrinjavanja preostalih količina svih vrsta otpada sa lokacije i dovođenja lokacije u stanje prije početka korištenja.
- 3.13. Da se, planiranjem investicija, izvrši zaštita lokacije kruga «C.I.A.K.» d.o.o. Grude, Podružnica Jajce od uticaja stogodišnjih velikih voda rijeke Vrbas, ali bez štetnih uticaja na postojeće korisnike prostora.
- 3.14. Da se za vrijeme trajanja ove dozvole ishodi i ovoj Agenciji dostavi upotrebna dozvola za sve izgrađene objekte koji su predmet ove dozvole, izdata od nadležne općinske službe zajedno s zapisnicima o izvršenom tehničkom prijemu.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „C.I.A.K.“ d.o.o. Grude, poslovna jedinica Jajce je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed šetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

8. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 129. stav (1) Zakona o vodama („Službene novine Federacije BiH“ broj 70/06) se daje sa rokom važenja od pet (5) godina od dana pravosnažnosti ovog rješenja.
11. Prije isteka važnosti ove dozvole Investitor „C.I.A.K.“ d.o.o. Grude, poslovna jedinica Jajce, dužan je da zatraži izdavanje nove vodne dozvole.
12. Važeće rješenje o vodnoj dozvoli broj: UP-I/25-3-40-628-4/16 od 26.01.2017. godine se donošenjem ovog rješenja stavlja van snage.
13. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.

O b r a z l o ž e n j e

Investitor „C.I.A.K.“ d.o.o. Grude, poslovna jedinica Jajce, podnio je zahtjev za izdavanje vodne dozvole za ispuštanje otpadnih voda sa lokacije za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja koja se nalazi u ulici III Gardijske brigade, općina Jajce, na zemljištu označenom kao k.č. broj: 22/83/6, 17/25/9 i 17/25/8, KO. Divičani, općina Jajce.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Aktualni izvod iz sudskog registra izdato od općinskog suda u Širokom Brijegu od 16.06.2021. god.;
- Rješenje o izmjenama podataka o sudskom registru br. 064-0-Reg-20-000025 izdato od općinskog suda u Širokom Brijegu od 07.02.2021. god.;
- Kopija Uvjerenja o poreznoj registraciji od 15.01.2020. godine, izdato od strane Porezne uprave – Županijski ured Zapadno Hercegovačke Županije u Ljubuškom;
- Kopija uplatnice administrativne takse;
- Kopija uplatnice po Zaključku o posebnim troškovima;
- Rješenje o vodnoj dozvoli br. UP-I-25-3-40-628-5/16 od 24.01.2020. godine, izdata od AVP Sava;
- Projektno tehnička dokumentacija „Glavni projekt instalacija vodovoda i kanalizacije“ izrađen od „ZAGREBINSPEKT“ d.o.o. Mostar od 9/2014;
- Projektna dokumentacija „Odvodnja oborinskih voda za objekt platoa za selekciju sekundarnih sirovina C.I.A.K. sa separatorom ulja i masti, ovjeren od AVP Sava 18.06.2008. godine;
- Izvješće o ispitivanju otpadnih voda i rezultati monitoringa br. 01-2-92-III/20 izrađen od „ZAGREBINSPEKT“ d.o.o. Mostar 3/2020. godine;
- Izvješće o ispitivanju kvalitete tla i rezultati monitoringa br. 01-2-1-92-III/20 izrađen od „ZAGREBINSPEKT“ d.o.o. Mostar 3/2020 godine;
- Ugovor o krajnjem zbrinjavanju s poduzećem „GSB“ GmbH Bayern;
- Ugovor o krajnjem zbrinjavanju s poduzećem „MPI-RECIKLAŽA“ d.o.o. Žerjav;
- Ugovor o krajnjem zbrinjavanju s poduzećem „C.I.A.K.“ d.o.o. Krapina.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-I/25-3-40-347-2/21 od 25.08.2021. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Lokalitet na kome se odvija djelatnost za prikupljanje i skladištenje - privremeno zbrinjavanje opasnog i drugog otpada do konačnog zbrinjavanja nalazi se u ulici III Gardijske brigade-naselje Lučina, općina Jajce, na zemljištu označenom kao k.č. broj: 22/83/6, 17/25/9 i 17/25/8, KO. Divičani, općina Jajce.

Prikupljanje i skladištenje - privremeno zbrinjavanje opasnog i drugog otpada do konačnog zbrinjavanja od strane ovlaštenog pravnog lica, obavlja se na otvorenom platou, presvučenom vodonepropusnom podlogom s dvije nadstrešnice i jednim kontejnerom kao uredskim prostorom. Opasni otpad koji može sadržavati opasne materije kao što su razni naftni derivati i druge opasne tečnosti skladište se u vodonepropusnim kontejnerima koji se čuvaju u natkrivenom prostoru.

Sakupljanje opasnih tečnosti kao što su rabljena, otpadna ulja i slično se skladište u dva natkrivena nadzemna spremnika sa tankvanom koja je izvan zone visokih voda.

Krajnje zbrinjavanje otpada vrši se sa poduzećima „GSB“ GmbH Bayern, „MPI-RECIKLAŽA“ d.o.o. Žerjav i „C.I.A.K.“ d.o.o. Krapina.

Ukupni promet i distribucija sakupljenog otpada dostavlja se kroz Registar, Federalnom ministarstvu zaštite okoliša.

Zauljene oborinske vode sa radnih, prometnih i manipulativnih površina se sistemom uličnih slivnika, taložnika i kanalizacionih cijevi prikupljaju i odvođe do tipskog separatora ulja i masti proizvođača ISEA tipa OTTO PE 060, kapaciteta 6 l/s.

Uzorci otpadnih voda uzimaju se iz separatora na platou i sa platoa ispred skladišta opasnog otpada. Izvješće o ispitivanju otpadnih voda i rezultati monitoringa br. 01-2-92-III/20 izrađen od „ZAGREBINSPEKT“ d.o.o. Mostar 3/2020.

Preliv iz separatora odnosno kontrolnog šahta je u vodotok Vrbas.

Čišćenje separatora obavlja samo poduzeće jer mu je to jedna od osnovnih djelatnosti za koju je registran i o istom se vodi službena evidencija.

Radne, prometne i manipulativne površine su završno obrađene asfaltom odnosno betonom, sa padovima prema rešetkama i slivnicima.

Duž cijelog kompleksa uz vodotok rijeke Vrbas izrađen je zemljani nasip sa krunom na koti 340 m.n.m. za obranu od visokih voda odnosno betonski zid. Međutim do poplava odnosno mogućnosti prodora visokih voda dolazi uzvodno u dijelu koji nije branjen a ne pripada poduzeću C.I.A.K. iz tog razloga svi kontejneri sa opasnim otpadom su na galerijama koje su iznad kote visokih voda.

Za cijeli kompleks Investitor je pribavio projektno tehničku dokumentaciju za prikupljanje, odvođenje i zbrinjavanje otpadnih voda izrađen od Zagrebinspekta d.o.o. Mostar i poduzeća Hidrogradnja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) i Uredbe o uslovima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Na osnovu provedenog postupka konstatira se da je podnosilac zahtjeva „C.I.A.K.“ d.o.o. Grude, poslovna jedinica Jajce, ispunio minimum uvjeta za izdavanje vodne dozvole za ispuštanje otpadnih voda sa predmetne lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98 , 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.građ.

29 - Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- „C.I.A.K.“ d.o.o. Grude, poslovna jedinica Jajce, III Gardijska brigada bb, Jajce
- ⊙ AVP, ISV - Vodna knjiga
- Sektor 50
- Sektor 40, arhiva
- Oglasna ploča - AVP Sava